



« 09 » մարտի 2022թ

ՀՀ, ք. Երևան

ՈՐՈՇՈՒՄ 0556

«ՄԻՔԱՅԵԼ ՂԱԶԱՐՅԱՆ» ԱՆՀԱՏ ՁԵՌՆԱՐԿԱՏԻՐՈՋ
ՆԿԱՏՄԱՄԲ ՈՐՊԵՍ ՀԱՐԿԱԴՐԱՆՔԻ ՄԻՋՈՑ
ՏՈՒԳԱՆՔ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի Երևան քաղաքի տարածքային կենտրոնի պետ Գագիկ Գրիգորյանս ուսումնասիրելով.

1) 2021 թվականի օգոստոսի 03-ի թիվ 01/10204-2021 գրությամբ հաստատված թիվ 0312 կարգադրագիրը,

2) Տեսչական մարմնի ղեկավարի 2019 թվականի հոկտեմբերի 25-ի N 2598-Ա հրամանը վարչական վարույթ հարուցելու մասին,

3) Տեսչական մարմնի Երևան քաղաքի տարածքային կենտրոնի պետի 2021 թվականի նոյեմբերի 09-ի թիվ 01/15736-2021 ծանուցումը,

4) Տեսչական մարմնի Երևան քաղաքի տարածքային կենտրոնի մասնագետների կողմից 2021 թվականի նոյեմբերի 16-ին և 2021 թվականի նոյեմբերի 24-ին իրականացված զննման արդյունքները

5) 2021 թվականի նոյեմբերի 26-ին իրականացված աղմուկի մակարդակի գործիքային չափման արդյունքների վերաբերյալ) 2021 թվականի նոյեմբերի 30-ի N 8/126 փորձագիտական եզրակացությունը,

6) 2021 թվականի դեկտեմբերի 07-ի N 13/17556-2021 գրությունը նախազգուշացում տալու վերաբերյալ,

7) Տեսչական մարմնի ղեկավարի 2021 թվականի դեկտեմբերի 23-ի N 1042-Ա հրամանը զննում իրականացնելու մասին,

8) 2021 թվականի դեկտեմբերի 28-ին իրականացված զննման արդյունքները

9) Տեսչական մարմնի ղեկավարի 2022 թվականի փետրվարի 07-ի N 101-Ա՝

հրամանը գնում իրականացնելու մասին

10) 2022 թվականի փետրվարի 14-ին իրականացված գնման արդյունքները

11) 2022 թվականի փետրվարի 22-ի N 8/025 փորձագիտական եզրակացությունը,

Պարզեցի

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) կողմից 2021 թվականի հունիսի 21-ին հարուցված վարչական վարույթի արդյունքում արձանագրված խախտումները վերացնելու նպատակով «ՄԻՔԱՅԵԼ ՂԱԶԱՐՅԱՆ» անհատ ձեռնարկատիրոջը տրվել է 2021 թվականի օգոստոսի 03-ի թիվ 01/10204-2021 գրությամբ հաստատված թիվ 0312 կարգադրագիրը (այսուհետ՝ նաև Կարգադրագիր):

Կարգադրագրով տրված առաջադրանքների կատարման ժամկետ էր սահմանվել մինչև 2021 թվականի հոկտեմբերի 15-ը:

«ՄԻՔԱՅԵԼ ՂԱԶԱՐՅԱՆ» անհատ ձեռնարկատիրոջ կողմից մինչև 2021 թվականի հոտեմբերի 25-ը Տեսչական մարմնին Կարգադրագրով տրված առաջադրանքների պահանջները կատարելու վերաբերյալ գրավոր չի տեղեկացվել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 45-րդ հոդվածի 5-րդ մասով, հարուցված վարչական վարույթի շրջանակներում ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանում և ք. Երևան «Գարդեն Հաուս» թաղամասի թիվ 4/92 բնակարանում իրականացված աղմուկի մակարդակի գործիքային չափումների վերաբերյալ ՀՀ էկոնոմիկայի նախարարության «Ստանդարտացման և չափագիտության ազգային մարմին» ՓԲ ընկերության կողմից ներկայացված 2022 թվականի փետրվարի 22-ի N 8/025 փորձագիտական եզրակացությունից պարզ է դարձել, որ «Միքայել Ղազարյան» անհատ ձեռնարկատիրոջը պատկանող՝ քաղաք Երևան, Սիլիկյան թաղամաս, 9-րդ փողոց, թիվ 12 հասցեում գործող քարի արտադրամասում քար կտրող և հղկող հաստոցների աշխատանքի հետևանքով



ՀՀ ԱՌՈՂՋԱԲԱԿԱՆ և ԱՇԽԱՏԱՆԵՐԻ
ՏԵՇՉԱԿԱՆ ԿՈՐՊՈՐԱՑԻՆ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 Էլ. փոստ՝ info@hlib.am
www.hlib.am
Թեժ գիծ՝ 8107

առաջացող և ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում և Երևան «Գարդեն Հաուս» թաղամասի թիվ 4/92 բնակարանի 2-րդ հարկի 1-ին և 2-րդ ննջասենյակներում թափանցող աղմուկի համարժեք մակարդակը կազմել է 60դԲԱ (ֆոն 45դԲԱ), 53դԲԱ (ֆոն 43դԲԱ), 49դԲԱ (ֆոն 44դԲԱ), որոնք համապատասխանաբար 25, 18, 14 դԲԱ-ով գերազանցում են ՀՀ առողջապահության նախարարի 2002 թվականի մարտի 06-ի թիվ 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի 5.3-րդ կետով սահմանված աղյուսակ 3-ի 4-րդ կետի (այսուհետ՝ Սանիտարական նորմեր) պահանջները:

Թափանցող աղմուկի առավելագույն մակարդակը ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի բնակարանի 2-րդ հարկի ննջասենյակում կազմել է 61դԲԱ (ֆոն 46դԲԱ), որը 11 դԲԱ-ով գերազանցում է Սանիտարական նորմերի պահանջները:

Թափանցող աղմուկի առավելագույն մակարդակը ք. Երևան, «Գարդեն Հաուս» թաղամասի թիվ 4/92 բնակարանի 2-րդ հարկի 1-ին ննջասենյակներում կազմել է 54դԲԱ (ֆոն 44դԲԱ), 50դԲԱ (ֆոն 43դԲԱ), որը 4 դԲԱ-ով գերազանցում է Սանիտարական նորմերի պահանջները:

Թափանցող աղմուկի առավելագույն մակարդակը ք. Երևան, «Գարդեն Հաուս» թաղամասի թիվ 4/92 բնակարանի 2-րդ հարկի 2-րդ ննջասենյակներում կազմել է 50դԲԱ (ֆոն 45դԲԱ), 50դԲԱ (ֆոն 43դԲԱ), որը համապատասխանում է ՀՀ առողջապահության նախարարի 2002 թվականի մարտի 06-ի թիվ 138 հրամանով հաստատված «Աղմուկն աշխատատեղերում, բնակելի և հասարակական շենքերում և բնակելի կառուցապատման տարածքներում» N2-III-11.3 սանիտարական նորմերի պահանջներին:

Արդյունքում, ք. Երևան, Աջափնյակ վարչական շրջան, Սիլիկյան հին խճուղի 60/1 հասցեի և ք. Երևան, «Գարդեն Հաուս» թաղամասի թիվ 4/92 բնակարաններ թափանցող աղմուկի մակարդակը Սանիտարական նորմերի պահանջներին համապատասխանեցնելու նպատակով «Միքայել Ղազարյան» անհատ

ձեռնարկատիրոջը թիվ 0312 Կարգադրագրով տրված առաջադրանքները չեն կատարվել:

2021 թվականի դեկտեմբերի 07-ի N 13/17536-2021 «Միքայել Ղազարյան» անհատ ձեռնարկատերը գրությամբ՝ էլ. փոստ՝ autopartsmas@gmail.com հասցեով 2021 թվականի դեկտեմբերի 07-ին պատշաճ կարգով ծանուցվել է Կարգադրագրով տրված առաջադրանքները սահմանված ժամկետում կատարելու վերաբերյալ և նախազգուշացվել է Կարգադրագրով տրված առաջադրանքները չկատարելու հետևանքով հարկադրանքի միջոցներ կիրառելու մասին:

Պատճառաբանական մաս

«Վարչարարության հիմունքների և վարչական վարույթի մասին» ՀՀ օրենքի 78-րդ հոդվածի համաձայն՝ վարչական հարկադրանքը.

1. Որևէ գործողություն կատարելուն կամ որևէ գործողության կատարումից ձեռնպահ մնալուն ուղղված վարչական ակտը կարող է հարկադրաբար ի կատար ածվել սույն հոդվածի 2-րդ մասով նախատեսված հարկադրանքի միջոցների կիրառմամբ:

2. Հարկադրանքի միջոցներն են՝

ա) գործողությունն այլ անձի կողմից կատարելը (փոխարինող գործողություն).

բ) տուգանքը.

գ) անմիջական հարկադրանքը:

3. Հարկադրանքի միջոցը պետք է համաչափ լինի դրա նպատակին: Հարկադրանքի միջոցը պետք է ընտրվի այնպես, որպեսզի պարտավոր անձի և հանրության վնասները հասցվեն նվազագույնի:

«Վարչարարության հիմունքների և վարչական վարույթի մասին» ՀՀ օրենքի 79-րդ հոդվածի համաձայն՝ պարտավոր անձը որոշակի գործողություն կատարելու կամ որևէ գործողություն կատարելուց ձեռնպահ մնալու վերաբերյալ ընդունված վարչական ակտի հասցեատերն է:



Սույն հոդվածի իմաստով պարտավոր անձ է համարվում «Միքայել Ղազարյան» անհատ ձեռնարկատերը:

«Վարչարարության հիմունքների և վարչական վարույթի մասին» ՀՀ օրենքի 85-րդ հոդվածի համաձայն՝ հարկադրանքի միջոցները նշանակվում են այդ միջոցների կիրառման մասին նախազգուշացմամբ սահմանված ժամկետում պարտավոր անձի կողմից համապատասխան պարտականությունը չկատարվելու դեպքում:

Ուսումնասիրելով գործում առկա փաստական հանգամանքները և դրանք համադրելով գործող օրենսդրության պահանջների հետ՝ Տեսչական մարմինը հաստատված է համարում, որ.

1. պարտավոր անձի՝ «Միքայել Ղազարյան» անհատ ձեռնարկատիրոջ, կողմից չեն կատարվել 2021 թվականի օգոստոսի 03-ի թիվ 0312 կարգադրագրով տրված առաջադրանքները:

2. պարտավոր անձի՝ «Միքայել Ղազարյան» անհատ ձեռնարկատիրոջ կողմից Տեսչական մարմնի 2021 թվականի օգոստոսի 03-ի թիվ 0312 կարգադրագրով տրված առաջադրանքները չեն կատարվել նաև Կարգադրագրի պահանջները չկատարելու հետևանքով՝ որպես հարկադրանքի միջոց, տուգանք կիրառելու մասին 2021 թվականի դեկտեմբերի 07-ի N 13/17536-2021 գրությամբ տրված նախազգուշացումից հետո:

Վարչական մարմինը, միաժամանակ, «Վարչարարության հիմունքների և վարչական վարույթի մասին» ՀՀ օրենքի 78-րդ հոդվածի համաձայն գտնում է, որ հարկադրանքի տեսակներից տվյալ վարչական վարույթի շրջանակներում կիրառելի է «տուգանք» հարկադրանքի տեսակը, քանի որ հարկադրանքի մյուս տեսակները Տեսչական մարմնի կողմից օրենքով վերապահված լիազորությունների շրջանակներում և վարչական ակտի բնույթով անհնար է կիրառել:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 78-րդ հոդվածով, 79-րդ հոդվածով, 82-րդ հոդվածի 3-րդ մասով, 85-րդ հոդվածով և ՀՀ վարչապետի 2018 թվականի հունիսի 11-ի N 755-Լ որոշման հավելվածի 19-րդ կետի 13-րդ ենթակետով.



ՈՐՈՇՈՒՄ ԵՄ

1. Տեսչական մարմնի կողմից 2021 թվականի օգոստոսի 03-ի թիվ 01/10204-2021 գրությամբ հաստատված Կարգադրագրով տրված առաջադրանքները չկատարելու համար, «Միքայել Ղազարյան» անհատ ձեռնարկատիրոջ նկատմամբ, որպես վարչական հարկադրանքի միջոց, կիրառել տուգանք՝ 100.000 (հարյուր հազար) ՀՀ դրամի չափով:

2. Սույն որոշումը ծանուցել անհատ ձեռնարկատեր Միքայել Ղազարյանին՝ ք. Երևան, Մազմանյան 10/26, էլ. փոստ՝ autopartsmas@gmail.com, հասցեներով:

Շնորհակալություն համագործակցության համար,

ԵՐԵՎԱՆ ՔԱՂԱՔԻ ՏԱՐԱԾՔԱՅԻՆ
ԿԵՆՏՐՈՆԻ ՊԵՏ՝

 Recoverable Signature

X 

ԳԱԳԻԿ ԳՐԻԳՈՐՅԱՆ

Signed by: GRIGORYAN GAGIK 1903670195

ԳԱԳԻԿ ԳՐԻԳՈՐՅԱՆ

Ծանոթություն՝

Կիրառվող տուգանքի վճարման պետությունից հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N900005024097:

Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից

Սույն վարչական ակտն ստանալու օրվանից 2 ամսվա ընթացքում կարող է բողոքարկվել Հայաստանի Հանրապետության առողջապահական և աշխատանքի տեսչական մարմին:

Սույն վարչական ակտն ՀՀ վարչական դատավարության օրենսգրքի 72-րդ հոդվածով սահմանված ժամկետում կարող է բողոքարկվել վարչական դատարան:



ՀՀ ԱՌՈՂՋԱԿԱԿԱՆ և ԱՇԽԱՏԱՆԵՐԻ
ՏԵՏՉԱԿԱՆ ԲՈԴԻ
HEALTH AND LABOR INSPECTION BODY
OF THE REPUBLIC OF ARMENIA

0047, ՀՀ, ք. Երևան, Նորք-Մարաշ, Ա. Արմենակյան 129
Հեռ. (374-10) 65-05-53 էլ. փոստ՝ info@hlib.am
www.hlib.am
Թեժ գիծ՝ 8107